



REPUBLIKA E SHQIPËRISË
ENTI RREGULLATOR I ENERGJISË

Bordi

VENDIM

Nr. 27, Datë 30.01.2018

MBI

**LICENCIMIN E SHOQËRISË “HEC LLËNGË” SH.P.K NË AKTIVITETIN E
PRODHIMIT TË ENERGJISË ELEKTRIKE NGA HEC “LLËNGA 1” ME FUQI 1730
KW, HEC “LLËNGA 2” ME FUQI 300 KW DHE HEC “LLËNGA 3” ME FUQI 1500
KW, ME FUQI TOTALE 3530 KW.**

Në mbështetje të neneve 16, 37 pika 2 gërma “a”, 39 pika 3 të Ligjit nr. 43/2015 “Për Sektorin e Energjisë Elektrike”, neneve 4, pika 1, gërma “a”; 5, pika 1 gërma “a” dhe 13 të “Rregullores për procedurat dhe afatet për dhënie, modifikimin, transferimin, rinovimin ose heqjen e licencave në sektorin e energjisë elektrike”, të miratuar me Vendimin e Bordit të ERE-s, nr 109, datë 29.06.2016, dhe nenit 15 të “Rregullores për Organizimin, Funksonimin dhe Procedurat e ERE-s”, miratuar me Vendimin e Bordit të ERE-s, nr.96, datë 17.06.2016, Bordi i Entit Rregullator të Energjisë (E.R.E), në mbledhjen e tij të dates 30.01.2018, mbasi shqyrtoi relacionin për licencimin e shoqërisë “HEC LLËNGË” sh.p.k në aktivitetin e prodhimit të energjisë elektrike nga Hec-et “Llënga 1” ,“Llënga 2 “ dhe “Llënga 3” me fuqi totale të instaluar 3530 KW, të përgatitur nga Drejtoria e Licencimit dhe Monitorimit të Tregut,

Konstatoi se:

- Shoqëria “HEC LLËNGË“ sh.p.k me shkresën nr. 692 Prot i ERE, datë 30.10.2017, ka paraqitur në ERE kërkesën për t’u pajisur me licencë në aktivitetin e prodhimit të energjisë elektrike nga Hec “Llënga 1” me fuqi 1730 KW, Hec “Llënga 2” me fuqi 300 KW, Hec “Llënga 3” me fuqi 1500 KW, me fuqi totale 3530 KW.
- Bordi i ERE-s me Vendimin nr.198 datë 24.11.2017 vendosi për: Fillimin e procedurave për licencimin e shoqërisë “HEC LLËNGË”sh.p.k., në aktivitetin e prodhimit të energjisë elektrike nga Hec-et “LLëngë”.
- Shoqëria “HEC LLËNGË” sh.p.k., është një subjekt tregtar i krijuar si detyrim ligjor i nenit 8, pika 1 të *Kontratës Koncesionare*, dt 24.09.2012, të lidhur ndërmjet shoqërisë “Istria Sviluppo” s.r.l., me cilësinë e Koncesionarit dhe Ministrisë së Ekonomisë, Tregtisë dhe Energjitikës me cilësinë e Autoritetit Kontraktues, në zbatim të VKM-së nr 422, datë 26.05.2010 “Për përcaktimin e autoritetit kontraktues për ndërtimin me koncesion të Hec “Llëngë”.
- Ortak i vetëm i shoqërisë “Hec Llëngë” sh.p.k rezulton të jetë shoqëria “Energjia Ekologjike” sh.p.k me 100% të kuotave, referuar kjo kontratës noteriale me nr.420 rep dhe nr.221 kol, datë 15.10.2012, të “Shitblerjes së Kuotave”. Në përmbushje të detyrimeve të kontrates së sipërpermendur. Shoqëria “Istria Sviluppo”s.r.l. me cilësinë

e ortakut të vetëm me datën 24.09.2012 ka krijuar shoqërinë Konçensionare Hec Llëngë sh.p.k, Me qëllim tjetërsimin e 100% të kuotave të kapitalit të shoqërisë konçensionare, në respektim të Ligjit për Konçensionet dhe të Kontratës së Konçensionit më sipër cituar, pala shitëse është pajisur me Miratimin e transferimit të aksioneve nga ana e Autoritetit Kontraktues (METE) me shkresë nr. 935/28 Prot, datë 05.10.2012. Me Vendimin e datës 10.10.2012 të ortakut të vetëm të shoqërisë “HEC LLËNGË” sh.p.k është vendosur transferimi i 100% të kuotave të kapitalit themeltar që shoqëria “Istria Sviluppo” s.r.l zotëron tek shoqëria “Hec Llëngë” te Blerësi “Energjia Ekologjike” sh.p.k. Në nenin 4 të saj theksohet se: shoqëria “Istria sviluppo” s.r.l e humb të drejtën e zotërimit të këtyre kuotave e drejtë që fitohet nga shoqëria “Energjia Ekologjike” sh.p.k.

- METE-s, me shkresën nr. 935/28 Prot., datë 05.10.2012, drejtuar shoqërisë konçensionare “Hec Llëngë” sh.p.k, sqaron se: *Miratojmë transferimin e aksioneve në masën 100/% me anë të shitblerjes, me kushtin që të ruhet emri i konçensionarit si dhe të mbarten të gjitha të drejtat dhe detyrimet e përcaktuara në kontratën e konçensionit midis METE dhe konçensionarit të cilat i takojnë shoqërisë “Istria sviluppo” s.r.l, në të kundërt marrëveshja është e pa vlefshme.*

Sa më sipër, konfirmimi i njohjes si shoqëri konçensionare të shoqërisë “Hec Llëngë” rezulton e konsideruar nga Autoriteti Kontraktues (METE) në shkresën me nr. 935/28 Prot., datë 05.10.2012 me lëndë ”Miratim transferim aksionesh“ drejtuar shoqërisë konçensionare Hec Llëngë

Aplikimi i shoqërisë “HEC Llëngë” sh.p.k, plotëson kryesisht kërkesat e parashikuara nga ERE në “Rregulloren për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e energjisë elektrike” si më poshtë:

- Formati i aplikimit (neni 9, pika 1 “a”, “b”, “c”) janë plotësuar në mënyrë korrekte.
- Dokumentacioni juridik, administrativ dhe pronësor (neni 9, pika 2, “a”, “b”, “c”, “d”, “e”, “f”, “g”) janë plotësuar në mënyrë korrekte.
- Dokumentacioni financiar dhe fiskal (neni 9, pika 3, “a”, “b”, “c”, “d”), janë plotësuar në mënyrë korrekte.
- Dokumentacioni tekniko- ekonomik (neni 9, pikat 4.1.1, 4.1.2, 4.1.3, 4.1.4 4.1.5 gërma “a” dhe “c”), janë plotësuar në mënyrë korrekte.
 - Mund të veçojmë këtu shkresën e OSHEE “Miratim pike lidhje HEC LLËNGË”, me Nr. 2740/3 Prot, datë 09.03.2017, drejtuar shoqërisë “HEC LLËNGË”
 - Vendimi Nr. 4/7, datë 19.12.2017, i Këshillit Kombëtar të Ujit, për miratimin në parim të lejes së përdorimit të ujit dhe ngarkimi i AUB Shkumbin për zbatimin e këtij vendimi, drejtuar shoqërisë “HEC LLËNGË”.
- Rezulton e miratuar në parim (neni 9, pika 4.1.5 gërma “b”), Leja e përdorimit të ujit nga Këshillit Kombëtar të Ujit.

Për gjithë sa më sipër, Bordi i ERE,

Vendosi:

1. Të licencojë shoqërinë “HEC LLËNGË” sh.p.k., në aktivitetin e Prodhimit të Energjisë Elektrike nga HEC “Llënga 1” me fuqi 1730 KW, HEC “Llënga 2” me fuqi 300 KW, HEC “Llënga 3” me fuqi 1500 KW, me fuqi totale 3530 KW.
2. Shoqëria “HEC LLËNGË” sh.p.k. të depozitojë në ERE miratimin përfundimtar të lejes së ujit para vënies në operim të veprës.
3. Drejtoria e Licencimit dhe Monitorimit të Tregut, të njoftojë aplikuesin për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Kërkesa për rishikimin e këtij vendimi, mund të bëhet në ERE brenda 7 ditëve kalendarike.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETAR
Petrit AHMETI